

INUIT ATAQATIGIIT

Inatsisartuni



5. maj 2017

Inatsisartut suleriaasianni § 37 naapertorlugu Naalakkersuisunut imaattunik apeqqutissaqarpunga:

Naalakkersuisunut apeqqutit:

- 1. Nunatsinni meeqqanut atuartunut atuartut angerlarsimaffianniittunut perorsaanikkut (pædagogiskemik) suliaqarnermi kiisalu illutatigut pitsaassusissamut ataatsimut isigalugu Naalakkersuisut qanoq isummeqqappat?**
- 2. Meeqqanut inuusuttunullu illutatigut perorsaanikkullu pitsaassutsip annikinnerpaaffissaanut Naalakkersuisut piumasaqaateqalersaarpat, tassa nalunaarut sukumiisoq "Skolehjemmet pillugit nalunaarut – nunaqarfinni atuarfinniit illoqarfinni atuarfinnut ikaarsaarnerni isumaliuutit inassuteqaatillu" ilaatigut eqqarsaatigalugu?**
- 3. Nalunaarut qulaani pineqartoq naapertorlugu atuartut angerlarsimaffiini perorsaanikkut illutatigullu pitsaassutsitigut minnerpaatut piumasaqaateqarnissap qulakkeernissaanut suut pisarialittut iliuuserineqarsinnaappat?**
 - a. Illutatigut perorsaanikkullu pitsanngorsaassagaanni aningaasartuutissat qanoq isikkoqassappat?**
 - b. Perorsaanikkut illutatigullu pitsanngorsaasoqassappat aningaasartuutissat kikkunnit isumagineqassappat?**
- 4. Atuartut angerlarsimaffiini sulisut ilinniagaqarsimassusaannut tunngatillugu Naalakkersuisut kommunit peqatigalugit misissuinalersaarpat?**

(Inatsisartuni ilaasortaq, Debora Kleist, Inuit Ataqatigiit)

Tunngavilersuut:

Ullumikkut meeqqat inuusuttullu amerlasuut angerlarsimaffitik qimallugit illoqarfinni nunaqarfinnilu allani atuariatortariaqartarput. Taamaasillutik angerlarsimaffitik toqqissisimaffigisatik qimallugit atuarfut angerlarsimaffiini najugaqalersarput.

2012-mi nunatsinni skolehjemminut/elevhjemminut tunngasumik sukumiisumik nalunaarusiortoqarpoq. Tassanilu atuartut elevhjemminiittut naapertuuttumik ikorfartorneqarnissaannik qulakkeerinninnissamut arlalissuarnik inassuteqaateqartoqarpoq.

Atuartut angerlarsimaffiini atugassarititaasut assigiinngissitaaqisut ilisimaarivara, pingaartumik ulluinnarni atugassarititigut, avatangiisitigut, angajoqqaanut attaveqarnertigut kifpartuunneqarnertigullu. Isumaqaarpunga atuartut angerlarsimaffii pillugit ilisimalikkatta annertuut atornissaat pissusissamisoorluinnassasoq – ilisimasat meeqqat atuartut elevhjemmini najugaqartut naammangitsunik atugaqarnerannik takutitsisuusut. Tassani pingaartumik maanna nunatsinni atuartut angerlarsimaffiini najugaqartunut meeqqat atuarianni sulisunut, illutatigut, imarisassatigut il.il. piumasaqaateqartoqanngitsoq eqqarsaatigalugit.

Apeqqutima ullut suliffiusut qulit iluanni akineqarnissaat kissaatigaara.